

DOLPHINS TA MALINFORMA Y TA DESHONESTO

Reaccionando riba locual Aruba Dolphins a declara den conferencia di prensa teni 13-5-92 lo siguiente:

Dia 07-06-1990 representante di Dolphins den FPOA.

Sr.Roly Bisslik ta declara den reunion di Fundacion Picina Olimpico i.o.(FPOA)cu" mesora cu e statutonan keda aproba Aruba Dolphins lo traspasa e tereno na e Stichting".

E statutonan a keda aproba riba 11-10-91.

Notable ta cu e mesun representante di Dolphins den FPOA, Sr.Bisslik, ta presidente di FPOA y ta laga sa cu Dolphins a pensa su mes y lo

mara condicionnan pisa na un eventual traspaso, pero a tene FPOA lunanan largo

den tension pa despues kier a impone condicionnan realmente inacceptable.

Gobierno pa medio di su representantenan den FPOA a pidi pa mostra mas diligencia sino e Minister concerni

lo hanje forza di impone un deadline en bista di e importancia di e proyecto pa Gobierno y pa deporte (reunion FPOA 14-01-1992!).

Despues di hopi discusion den FPOA y despues di deliberacionnan cu Dolphins a jega na un acuerdo (19-2-

1992).

E acuerdo aki sinembargo no por a wordu firma pa motibo cu Gobierno tabata di opinion cu bienestar general no ta wordo sirbi.

Gobierno ta stipula den su carta pa FPOA di 01-04-'92 cu e unico condicion cu por wordo accepta ta cu Dolphins lo hanja un pida tereno bek di igual balor cu esun traspasa

si e proyecto bai malo.

Esaki debi na e hecho cu Dolphins posiblemente lo no por paga toch pa locual eventualmente keda construi.

Den deliberacion cu Dolphins nan a bai finalmente di acuerdo cu traspaso sin

mayor condicion!

Esaki a ser confirma na FPOA den carta di 15-04-'92 y na minister di deporte riba 16-04-'92.

Dia 27-04-'92 a ser fiha cu notario como fecha pa traspaso.

Dia 24-04-'92 FPOA a ricibi un concepto (draft) di loke por a bira e akte definitivo.

E mesun dia e draft aki a ser manda pa Dolphins y a pone nan na altura di e cita na notario pa 15.30 ora. Sr.Yordano Croes, presidente di Dolphins, a laga sa di lo no por pa motibo cu e ta cumenza traha 15.00 ora.

Un cita nobo a ser logra e siguiente dia (28-04-'92) pa 9.15 ora, cu cual e presidente a bay O.K.

Na momento di ora cero ningun di e representantenan di Dolphins a presenta.

Mas frustante pa FPOA tabata cu su propio presidente den persona di Sr. Roly Bisslik, representante di Dolphins den FPOA, sin por haci

distincion entre su diferente funcionnan y demostrando falta di madurez, tampoco a presenta na e cita cu notario.

Colmo tabata, y esaki ta otro prueba cu Dolphins ta mentiroso y ta malinforma, cu esnan cu si a presenta a wordu confronta cu condicionnan pisa cu Dolphins mes a laga pone (5000 florin di boet pa dia y no pa luna si algo bai fout), pero ni sikiera tin e decencia di presenta y discuti e draft aki.

Na momento cu Minister Croes comprendiblemente ta saka conclusion y ta bisa cu no ta sigi cu e wegá aki.

Dolphins ta corre yama un conferencia di prensa pa por medio di malinformacion trata di influencia opinion publico na nan favor.

Wega politico ta wordo hunga?

De pot verwijt de ketel!

Anthony v.Koetsveld.
(Representante di gobierno den FPOA den funcion di secretario.)